


# IZVJEŠTAJ O AKTIVNOSTIMA

2025



Local Democracy  
Agency Mostar



# SADRŽAJ

PREDGOVOR.....	4
O LDA MOSTAR.....	6
PROJEKTI I INICIJATIVE 2025.....	8
U FOKUSU: RESURSNI CENTAR LDA MOSTAR.....	63
FINANSIJSKI PREGLED.....	68

# PREDGOVOR

## Dženana Dedić, direktorica LDA Mostar



Tokom 2025. godine Agencija lokalne demokratije Mostar je svjesno i strateški ulagala u jačanje kapaciteta svog tima, polazeći od uvjerenja da su ljudi, znanje i alati temelj svakog dugoročnog i smislenog društvenog djelovanja.

Ova ulaganja predstavljaju važan iskorak u pripremi za provedbu nove Strategije LDA Mostar za period 2026–2028, ali i našu kontinuiranu posvećenost pružanju kvalitetne, inovativne i održive podrške lokalnim zajednicama.

Kao organizacija koja djeluje kao **resursni centar** u oblasti lokalne demokratije, dobrog upravljanja i građanskog učešća, tokom 2025. godine smo dodatno osnažili interne kapacitete s ciljem unapređenja vlastite učinkovitosti, ali i širenja i unapređenja podrške koju pružamo partnerima, institucijama i građanima.

Naš fokus nije bio isključivo na procedurama i alatima, već prije svega na ljudima — njihovim znanjima, vještinama, motivaciji i zajedničkim vrijednostima koje čine osnovu našeg djelovanja.

U jačanje kapaciteta tima tokom 2025. godine uloženo je **više od 300 radnih sati** kroz ciljne i tematski povezane edukacije. Ova ulaganja doprinijela su jačanju organizacijske učinkovitosti, operativne izvrsnosti i dugoročne otpornosti, ali i razvoju tima koji dijeli odgovornost i posvećenost radu sa i za zajednice. Na taj način, interno jačanje organizacije direktno doprinosi razvoju zajednica koje podržavamo.

# PREDGOVOR

Poseban napredak ostvaren je u oblasti prikupljanja sredstava, uključujući primjenu savremenih alata, kao i **korištenje umjetne inteligencije u pripremi projektnih prijedloga za regionalne i EU fondove**. Istovremeno, dodatno smo unaprijedili **kapacitete u oblasti finansijskog upravljanja kroz specijalizirane edukacije usmjerene na odgovorno upravljanje resursima, transparentnost i usklađenost sa zakonodavnim okvirom**. Ova znanja jačaju stabilnost organizacije i omogućavaju pouzdaniju i dugoročniju podršku našim partnerima.

U oblasti dobrog upravljanja, javnih politika i građanske participacije, fokus je bio na razvoju znanja i vještina vezanih za omladinske politike, monitoring rada lokalnih vlasti, ljudska prava i antikorupcijske inicijative. Poseban značaj imalo je i **dodatno osnaživanje kapaciteta u oblasti deliberativne demokratije i skupština građana, kroz obuke provedene u saradnji s Vijećem Evrope**, što LDA Mostar pozicionira kao organizaciju koja ne samo da zagovara participaciju, već i aktivno podržava njenu primjenu u praksi.

Tokom godine unaprijedili smo i interne sisteme planiranja, monitoringa i evaluacije, kao i komunikacijske kapacitete, čime smo dodatno povećali efikasnost, vidljivost i kvalitet koordinacije unutar organizacije i prema vanjskim partnerima. Paralelno s tim, 2025. godina bila je i period intenzivnog rada na izradi nove Strategije LDA Mostar za period 2026–2028, kroz participativan proces koji je dodatno ojačao našu organizacijsku kulturu i osjećaj zajedničke odgovornosti.

Sve što smo postigli tokom 2025. godine predstavlja čvrst temelj za naredni strateški period. LDA Mostar nastavlja djelovati kao snažan resursni centar i HUB lokalne demokratije, posvećen izgradnji prostora povjerenja, saradnje i demokratskog djelovanja, zajedno sa zajednicama kojima služimo.

# O LDA MOSTAR

Od svog osnivanja u novembru 2004. godine, Agencija lokalne demokratije (LDA) Mostar doprinosi razvoju otvorenih, odgovornih i inkluzivnih zajednica s ciljem kreiranja povoljnog okruženja u kojima građanke i građani aktivno učestvuju u procesima donošenja odluka.

Kroz dijalog, povjerenje i saradnju između građana i institucija gradimo temelje održivog razvoja i dobrog upravljanja.

Vjerujemo da društvo napreduje onda kada svi imaju jednake mogućnosti da doprinesu promjenama, zato snažno podržavamo uključivanje mladih i ranjivih grupa.

## Misija

Mi smo resursni centar za lokalnu demokratiju koji pruža znanje, alate i podršku svim akterima, sa ciljem razvoja demokratskog i inkluzivnog društva.

## Vizija

Uspostavljen prepoznatljiv i održiv HUB lokalne demokratije za aktivnu podršku zajednicama kroz saradnju, inovaciju i razvoj novih inicijativa.

**140+**

REALIZOVANIH  
PROJEKATA

**800+**

PARTNERA

**400 000+**

KORISNIKA  
PROJEKATA

**6+ miliona KM**

OSIGURANO ZA NAPREDAK  
LOKALNIH ZAJEDNICA

## LDA MOSTAR

Godina osnivanja: 2004

Sjedište: Mostar, Bosna i Hercegovina

Status: lokalno registrovana, nevladina, neprofitna organizacija

 [www.ldamostar.org](http://www.ldamostar.org)



# O LDA MOSTAR

## PODRUČJA RADA

### *Demokratizacija*

Dobro upravljanje | Građansko učešće | EU integracije

### *Ljudska prava i pomirenje*

Društvena inkluzija i jednakost | Mladi i aktivno građanstvo

## CILJNE GRUPE

Građani

Lokalne vlasti

Organizacije civilnog društva

Mladi

Žene

Osobe s invaliditetom

**200 000 +**

MLADIH UKLJUČENO U  
AKTIVNOSTI NEFORMALNOG  
OBRAZOVANJA

**150 000 +**

PREDSTAVNIKA  
LOKALNIH VLASTI  
OJAČALO KAPACITETE

**140 +**

OCD-A  
PODRŽANO KROZ MALE  
GRANTOVE

## DONATORI

Evropska unija

Vijeće Evrope

Vlada Ujedinjenog Kraljevstva

UNICEF

Ambasada Švedske u Sarajevu

Ambasada Njemačke u Sarajevu

Francuska razvojna organizacija (AFD)

Švicarska razvojna organizacija „Solidar Suisse“

## MREŽE

Evropska asocijacija za lokalnu demokratiju (ALDA)

Balkanska mreža za lokalnu demokratiju (BNLD)

Fondacija Anna Lindh (ALF)

Mreža za izgradnju mira

Mreža pograničnih gradova i otoka (BTIN)

Transnacionalna ujedinjena mreža Evrope (TUNE)

# 2025 U BROJKAMA

Realizovano **15** projekata

Ostvareno **50+** partnerstava

**200+** mladih steklo vještine kroz neformalno obrazovanje

**160+** žena dobilo podršku u okviru aktivnosti ekonomskog osnaživanja

Održano **40+** treninga i edukativnih sesija

Organizovano **20+** događaja

Ojačani kapaciteti **10** organizacija civilnog društva za provedbu projekata

**120+** predstavnika lokalnih vlasti i institucija uključeno u međusektorski dijalog

# PROJEKTI I INICIJATIVE 2025

U 2025. godini, LDA Mostar nastavila je strateški jačati svoju ulogu ključnog aktera u razvoju participativne demokratije, osnaživanju mladih i izgradnji kapaciteta civilnog društva na lokalnom, nacionalnom i regionalnom nivou. Kroz niz projekata finansiranih od strane Evropske unije i međunarodnih donatora, aktivnosti su bile usmjerene na unapređenje građanskog učešća, promociju socijalne inkluzije, razvoj vještina mladih, kao i jačanje saradnje između civilnog društva, lokalnih vlasti i javnih institucija.

Poseban fokus stavljen je na rad s mladima, naročito onima s manje mogućnosti, kroz inovativne pristupe neformalnog obrazovanja, digitalnog angažmana i umjetničkog izraza. Istovremeno, organizacija je aktivno doprinosila regionalnoj saradnji i razmjeni znanja kroz međunarodne aktivnosti i mreže, jačajući kapacitete organizacija civilnog društva i podstičući razvoj održivih i inkluzivnih zajednica.

Pored toga, LDA Mostar je u 2025. godini intenzivirala aktivnosti u oblastima participativnog upravljanja, rodne ravnopravnosti i ekonomskog osnaživanja žena, te očuvanja i upravljanja prirodnim nasljeđem. Kroz ove inicijative, organizacija je nastavila povezivati građane, institucije i različite društvene aktere s ciljem stvaranja otvorenijeg, odgovornijeg i pravednijeg društva.

U nastavku izvještaja predstavljeni su ključni projekti i aktivnosti koji su obilježili rad LDA Mostar u 2025. godini, sa fokusom na ostvarene rezultate i njihov utjecaj na zajednicu.

# BOOST - BALKAN ZA OPTIMIZACIJU MOGUĆNOSTI, ODRŽIVOST I TRANSFORMACIJU CIVILNOG DRUŠTVA

In partnership  
with



**Trajanje projekta:** april, 2024. – april, 2027.

**Donator:** Francuska razvojna agencija (AFD)

**Aplikant:** ALDA – Evropska asocijacija za lokalnu demokratiju (Francuska)

**Partneri:** LDA Kosovo (\*Kosovo), LDA Mostar (Bosna i Hercegovina), LDA Montenegro (Crna Gora), LDA Zavidovići (Bosna i Hercegovina), LDA Prijedor (Bosna i Hercegovina), LDA Subotica (Srbija), Centar lokalne demokratije LDA (Srbija), Pulse GROUP (Francuska), LEADER France (Francuska), PULSE Balkans (Francuska), Urban Research Institute (Albanija)

## O PROJEKTU

Projekat ima za cilj jačanje demokratskog, privrednog i društvenog razvoja Zapadnog Balkana kroz dugoročnu podršku organizacijama civilnog društva. Fokus je na razvoju kapaciteta u oblastima mladih i poduzetništva, ruralnog razvoja i zaštite okoliša te očuvanja kulturne baštine i razvoja zajednice.

Poseban naglasak stavljen je na promociju aktivnog građanstva putem participativnih pristupa, kao i na integraciju rodne perspektive u sve aktivnosti. Program obuhvata izgradnju kapaciteta, finansijsku podršku organizacijama i poticanje umrežavanja s drugim akterima, uključujući lokalne vlasti.

Aktivnosti su posebno usmjerene na mlade, s ciljem jačanja njihovog aktivnog učešća, unapređenja saradnje među građanima i uspostavljanja dijaloga s donositeljima odluka na lokalnom i nacionalnom nivou, čime se doprinosi razvoju transparentnog i odgovornog upravljanja.



# BOOST - BALKAN ZA OPTIMIZACIJU MOGUĆNOSTI, ODRŽIVOST I TRANSFORMACIJU CIVILNOG DRUŠTVA

Tokom 2025. godine, projekat BOOST fokusirao se na direktnu podršku organizacijama civilnog društva i jačanje regionalne saradnje u zemljama Zapadnog Balkana.



## ŠTA JE OBILJEŽILO 2025 GODINU?

- Razvijena i unaprijeđena platforma za upravljanje grantovima i saradnju
- Pokrenuta i implementirana grant šema za organizacije civilnog društva u 6 zemalja regiona
- Odabrano i finansirano:
  - **6 regionalnih projekata**
  - **oko 61 lokalnih inicijativa**
- Uloženo više od 2.2 miliona eura u razvoj civilnog društva
- Organizovani događaji i inicijative koje povezuju civilno društvo, institucije i zajednice

## FOKUS DJELOVANJA PODRŽANIH INICIJATIVA

- Mladi i poduzetništvo
- Ruralni razvoj i zaštita okoliša
- Kulturno naslijeđe i razvoj zajednica
- Građansko obrazovanje i participacija građana
- Socijalno poduzetništvo
- Integracija rodne ravnopravnosti u rad organizacija

## BOOST U 2025 - PLATFORMA ZA KONKRETNE PROMJENE

- Jačajući kapacitete organizacija civilnog društva
- Povezujući aktere na lokalnom i regionalnom nivou
- Podstičući aktivno učešće građana u razvoju zajednica
- Doprinosеći demokratskom i održivom razvoju regiona



# VIZIJA KROZ...



## REGIONALNI TRENING ZA ORGANIZACIJE CIVILNOG DRUŠTVA

 **Beograd, Srbija | 25.–27. mart, 2025.**

U okviru projekta BOOST, organizovan je trodnevni regionalni trening za organizacije civilnog društva iz šest zemalja Zapadnog Balkana koje implementiraju transnacionalne projekte. Aktivnost je imala za cilj jačanje kapaciteta za dizajn i implementaciju održivih, građanski orijentisanih inicijativa.

**50+ UČESNIKA**

**6 ZEMALJA ZAPADNOG BALKANA**

**PARTNERI, ORGANIZACIJE DOBITNICE GRANTOVA I PREDSTAVNICI INSTITUCIJA**

**3 DANA INTENZIVNOG TRENINGA**

### REZULTATI I UTJECAJ

Trening je ojačao znanja, vještine i strateški pristup organizacija civilnog društva, omogućavajući im efikasniju komunikaciju, veću inkluzivnost i dugoročniji utjecaj na lokalne zajednice.



# ...GLASOVE



## NACIONALNI TRENING ZA ORGANIZACIJE CIVILNOG DRUŠTVA



**Mostar, Bosna i Hercegovina | 27.–29. oktobar, 2025.**

U oktobru i novembru 2025. godine, nakon objave rezultata grant šeme, organizovane su nacionalne trening sesije u šest zemalja Zapadnog Balkana, uključujući Bosnu i Hercegovinu. Tokom ovog perioda objavljeno je ukupno 61 nacionalno odobrenih projekata u okviru BOOST programa u šest zemalja (Albanija, Bosna i Hercegovina, Kosovo, Crna Gora, Sjeverna Makedonija i Srbija).

LDA Mostar je organizovala trodnevni trening za organizacije civilnog društva koje implementiraju nacionalne projekte u Bosni i Hercegovini. Fokus je bio na jačanju operativnih i upravljačkih kapaciteta za uspješnu implementaciju projekata.

**27 UČESNIKA/CA  
10 ORGANIZACIJA KORISNICA GRANTOVA  
TRENERI I PARTNERI (ALDA, LDA MOSTAR, LDA ZAVIDOVIĆI)  
3 DANA TRENINGA**



### REZULTATI I UTJECAJ

Nacionalni treninzi su pružili praktične smjernice za implementaciju projekata i istovremeno omogućili razmjenu iskustava, umrežavanje i jačanje saradnje među organizacijama civilnog društva.

# NOT NEAT TO BE NEET - NIJE POŽELJNO BITI NEANGAŽOVAN – IZGRADNJA KAPACITETA OMLADINSKIH ORGANIZACIJA ZAPADNOG BALKANA ZA INKLUZIVNIJE PROJEKTE I PUNO UČEŠĆE MLADIH SA UMANJENIM MOGUĆNOSTIMA



Co-funded by  
the European Union



**Trajanje projekta:** novembar, 2024. – jun, 2025.

**Donator:** Evropska unija / ERASMUS+ Lump Sum Grants

**Podnosilac:** Udruženje Narodni parlament (Srbija)

**Partneri:** Agencija lokalne demokratije (LDA) Mostar (Bosna i Hercegovina); NVO "Glas" (Crna Gora); Center For Bridging Communities (Albania); Youth Center Drenas (Kosovo\*)

## O PROJEKTU

Projekat doprinosi jačanju kapaciteta omladinskih organizacija u cilju unapređenja inkluzije i participacije mladih s manje mogućnosti. Fokus je na razvoju njihovih kompetencija kroz aktivno učešće i volontiranje, čime se povećavaju njihove šanse za zapošljavanje i socijalnu integraciju. Ovo predstavlja potencijalni put za pojedince da, na primjer, izađu iz siromaštva povećanjem vlastite zapošljivosti kroz volontiranje u omladinskim organizacijama.

Projekat cilja ključne grupe za jačanje učešća mladih:

- Omladinski radnici i potencijalni omladinski radnici: oko 100 učesnika iz BiH, Crne Gore, Albanije i Kosova (50–70% mladih, najmanje 25% s manje mogućnosti – geografske, fizičke ili zdravstvene prepreke). Obuhvata 20 direktnih učesnika u aktivnosti "job shadowing".
- Mladi s manje mogućnosti: do 50 učesnika fokus grupa, uključujući mlade koji se suočavaju s društvenim, ekonomskim, kulturnim ili zdravstvenim preprekama, kao i one s migrantskim porijeklom, invaliditetom ili obrazovnim poteškoćama, često bez prethodnog iskustva u neformalnom obrazovanju.
- Grass-root omladinske organizacije: do 100 organizacija iz manjih, ruralnih i udaljenih zajednica, s ograničenim iskustvom u prekograničnoj saradnji i sličnim izazovima kao marginalizirane grupe.



# NOT NEAT TO BE NEET - NIJE POŽELJNO BITI NEANGAŽOVAN – IZGRADNJA KAPACITETA OMLADINSKIH ORGANIZACIJA ZAPADNOG BALKANA ZA INKLUZIVNIJE PROJEKTE I PUNO UČEŠĆE MLADIH SA UMANJENIM MOGUĆNOSTIMA

Tokom 2025. godine kroz projekat smo se snažno fokusirali na razumijevanje potreba NEET mladih (nisu zaposleni, ne obrazuju se i ne osposobljavaju) i jačanje kapaciteta omladinskih radnika za inkluzivan rad u lokalnim zajednicama.



## ŠTA JE OBILJEŽILO 2025 GODINU?

- Provedeno mapiranje i analiza potreba mladih u pet zemalja Zapadnog Balkana, uključujući Bosnu i Hercegovinu
- Objavljeno nacionalno istraživanje u formi izvještaja o mladima u NEET statusu
- Realizovani nacionalni treninzi za omladinske radnike i organizacije civilnog društva
- 100 mladih i omladinskih radnika osnaženo za inkluzivan rad širom Zapadnog Balkana
- Bosna i Hercegovina dobila prvih 20 omladinskih koordinatora za inkluziju
- Pokrenute job shadowing aktivnosti za praktično učenje i razvoj kompetencija

## FOKUS DJELOVANJA

- Inkluzija mladih s manje mogućnosti
- Razvoj kapaciteta omladinskih radnika i organizacija
- Unapređenje politika i praksi zasnovanih na dokazima
- Peer-to-peer učenje i regionalna saradnja
- Osnaživanje mladih za aktivno učešće i zapošljivost

## PROJEKAT U 2025 – PLATFORMA ZA KONKRETNE PROMJENE

- Ojačani kapaciteti omladinskih organizacija za inkluzivan rad
- Uspostavljena mreža aktere kroz regionalnu saradnju i razmjenu znanja
- Potaknuti procesi i aktivno učešće mladih s manje mogućnosti
- Doprinos razvoju održivih i inkluzivnih omladinskih politika i praksi



# VIZIJA KROZ...



## MAPIRANJE I ANALIZA POTREBA NEET MLADIH



**Bosna i Hercegovina | decembar, 2024. – mart, 2025.**

U okviru projekta provedeno je sveobuhvatno istraživanje s ciljem identifikacije potreba, izazova i prepreka s kojima se suočavaju mladi s manje mogućnosti širom Zapadnog Balkana, pa tako i Bosne i Hercegovine. Kroz kombinaciju anketa, fokus grupa i intervjua prikupljeni su podaci koji pružaju realan uvid u stanje na terenu. Istraživanje je rezultiralo publikacijom „Uključenost mladih u omladinske aktivnosti: Izazovi, motivacije, preporuke za unaprijeđenje omladinskog sektora u Bosni i Hercegovini“ koja predstavlja važan alat za razvoj inkluzivnih politika i programa. Nalazi su korišteni kao osnova za kreiranje trening programa i budućih aktivnosti, čime je osigurana njihova relevantnost i stvarni utjecaj na zajednicu.

**ISTRAŽIVANJE PROVEDENO U 7 OPĆINA BIH  
UČESTVOVALI MLADI, OMLADINSKI RADNICI I INSTITUCIJE  
FOKUS NA NEET POPULACIJI - STANJU I POTREBAMA**

*„LDA Mostar je, zajedno s partnerskim organizacijama sa Zapadnog Balkana, razvila jedinstven metodološki okvir, koji se prvi put primjenjuje u BiH. Temeljen je na istraživanju provedenom u osam lokalnih zajednica širom zemlje, koje je pokazalo da više od polovice mladih ispitanika nije zaposleno niti uključeno u edukaciju, dok većina nikada nije sudjelovala u razmjenama, radionicama ili treninzima. Poseban izazov predstavljaju mladi iz ruralnih sredina kojima su, zbog finansijskih i vremenskih barijera, prilike za obrazovanje i zapošljavanje gotovo nedostupne.“*

**MAJA VEJZOVIĆ - VOLODER, projektna koordinatorica**



# ...GLASOVE



## NACIONALNI TRENINZI ZA OMLADINSKE RADNIKE: LDA MOSTAR OSPOSOBILA 20 PRVIH OMLADINSKIH KOORDINATORA ZA INKLUZIJU



Koćuša, Ljubuški, Bosna i Hercegovina | maj – septembar, 2025.

Organizovana tri ciklusa treninga s ciljem jačanja kapaciteta za inkluzivan rad s mladima. Program je obuhvatio teorijski i praktični dio, uključujući teme kao što su rad s mladima u NEET statusu, participativne metode i razvoj lokalnih inicijativa i akcijskih planova.

LDA MOSTAR UZ POMOĆ STRUČNJAKA RAZVILA METODOLOGIJU PRILAGOĐENU POTREBAMA  
OBUČENO 20 OMLADINSKIH KOORDINATORA ZA INKLUZIJU  
UČESTVOVALI OMLADINSKI RADNICI, MLADI, ORGANIZACIJE I INSTITUCIJE

### REZULTATI I UTJECAJ

Učesnici su stekli konkretna znanja i alate za rad s mladima, razvili akcijske planove i postali prva generacija Koordinatora za inkluziju u Bosni i Hercegovini. Aktivnost je doprinijela jačanju lokalnih mreža i pokretanju novih inicijativa u zajednicama.



*„Mladi nisu lijeni – često im nedostaje podrška i prilika da naprave prvi korak.“*

**UČESNIK OBUKE**

# AQUATIK-EU: VALORIZACIJA VODNOG NASLJEĐA U EVROPI



Co-funded by  
the European Union



**Trajanje projekta:** januar 2025.- decembar 2026.

**Donator:** Evropska unija / Program „Građani, ravnopravnost, prava i vrijednosti“ (CERV)

**Aplikant:** ALDA – Evropska asocijacija za lokalnu demokratiju (Francuska)

**Partneri:** Agencija lokalne demokratije Mostar (Bosna i Hercegovina); Grad Mostar (Bosna i Hercegovina); Paese dell'Acqua (Italija); Comune di Sassinoro (Italija); Global Network of Water Museums (Italija); Municipality Souliou (Grčka); Fons Mallorqui de Solidaritat i Copperacio (Španjolska); Ajuntament d'Alaró (Španjolska); Geoclube – Associacao Juvenil de ciencia Natureza (Portugal); Municipio de Gondomar (Portugal)



## O PROJEKTU

Projekat Aquatik-EU fokusira se na valorizaciju i očuvanje vodnog naslijeđa u Evropi, s posebnim naglaskom na vodne resurse u ruralnim i udaljenim područjima koji su često zanemareni u kontekstu ubrzane urbanizacije. Ova područja, iako bogata prirodnim i kulturnim vrijednostima, suočavaju se s izazovima depopulacije, klimatskih promjena i nedovoljne vidljivosti u politikama upravljanja vodama.

Projekat polazi od činjenice da su vodni ekosistemi međusobno povezani između ruralnih i urbanih sredina, te da njihovo očuvanje zahtijeva integrisan pristup i aktivno uključivanje svih relevantnih aktera. Kroz jačanje saradnje, razmjenu znanja i podizanje svijesti, Aquatik-EU doprinosi boljem razumijevanju važnosti vodnih resursa kao dijela prirodne i kulturne baštine.

Cilj projekta je unaprijediti svijest i kapacitete u vezi sa očuvanjem vodnih ekosistema i njihovim kulturnim, ekološkim, turističkim i socio-ekonomskim značajem, uz jačanje dijaloga između lokalnih vlasti, civilnog društva, stručnjaka i građana.

# AQUATIK-EU: VALORIZACIJA VODNOG NASLIJEĐA U EVROPI

Tokom 2025. godine, projekat Aquatik-EU fokusirao se na jačanje kapaciteta i unapređenje participativnog upravljanja vodnim naslijeđem, kroz povezivanje lokalnih vlasti, organizacija civilnog društva i zajednica širom Evrope.



## ŠTA JE OBILJEŽILO 2025 GODINU?

- Trening za trenere o valorizaciji vodnih resursa i početna konferencija projekta (Venecija, Italija)
- Razvijen ***trening modul i toolkit*** za lokalne vlasti i OCD-e o podizanju svijesti o vodnom naslijeđu, održivosti i valorizaciji vodnih resursa
- Lokalna aktivnosti za lokalne vlasti i OCD-e sa fokusom na podizanje svijesti i edukaciju o vodnim resursima
- Trening za trenere o participativnim procesima i alatima za upravljanje vodnim naslijeđem (Thiene, Italija)
- Razvijen ***toolkit za parcipativno upravljanje***
- Lokalna participativna radionica u Mostaru uz uključivanje svih relevantnih aktera
- Lokalna konferencija za podizanje svijesti i razmjenu iskustava u očuvanju i upravljanjem vodnim naslijeđem



## FOKUS DJELOVANJA

- Jačanje kapaciteta lokalnih vlasti i civilnog društva
- Unapređenje znanja i odgovornosti zajednica o vodnim resursima
- Razvoj participativnog upravljanja i međusektorskog dijaloga
- Promocija vodnog naslijeđa kao dijela kulturnog identiteta

## AQUATIK-EU U 2025 – PLATFORMA ZA KONKRETNE PROMJENE

- Povezuje aktere kroz dijalog i zajedničko djelovanje
- Podstiče aktivno učešće građana u upravljanju resursima
- Doprinosi održivom očuvanju vodnog naslijeđa

# VIZIJA KROZ...



## MEĐUNARODNI TRENINZI: USPOSTAVA OKVIRA ZA ZAJEDNIČKO DJELOVANJE



Venecija & Thiene, Italija | juni / septembar, 2025.

Predstavnici LDA Mostar i Grada Mostara učestvovali su u prvim međunarodnim aktivnostima projekta Aquatik-EU, uključujući početnu konferenciju i treninge za trenere u Italiji. Fokus je bio na participativnom upravljanju vodnim resursima i aktivnom uključivanju lokalnih zajednica.

Kroz razmjenu iskustava i primjera dobre prakse, učesnici su razvijali pristupe za očuvanje i valorizaciju vodnog naslijeđa kao zajedničke evropske vrijednosti koje će prenijeti u svoje lokalne zajednice.

2 MEĐUNARODNA TRENINGA ZA TRENERE  
50+ UČESNIKA  
PARTNERI IZ CIJELE EVROPE

### REZULTATI I UTJECAJ

Razvijeni **edukativni moduli i alati** koji omogućavaju prenošenje znanja na lokalni nivo, dok su učesnici osnaženi da dalje djeluju kao treneri i pokretači promjena u svojim zajednicama.



# ...GLASOVE



## LOKALNE AKTIVNOSTI I UKLJUČIVANJE ZAJEDNICE



**Mostar, Bosna i Hercegovina | juli – decembar, 2025.**

U Mostaru je u 2025. godini realizovan niz aktivnosti koje su okupile lokalne aktere s ciljem jačanja znanja i saradnje u oblasti upravljanja vodnim resursima. Kroz radionice, treninge i javnu konferenciju otvoren je prostor za dijalog, razmjenu ideja i zajedničko kreiranje rješenja. Poseban fokus stavljen je na participativne metode rada, koje su omogućile aktivno uključivanje učesnika u procese donošenja odluka.

**100+ UČESNIKA KROZ 3 LOKALNA DOGAĐAJA  
LOKALNE VLAST, CIVILNO DRUŠTVO, AKADEMSKA ZAJEDNICA, GRAĐANI  
FOKUS NA VODNO NASLIJEĐE I ODRŽIVO UPRAVLJANJE**

### REZULTATI I UTJECAJ

Aktivnosti su doprinijele jačanju kapaciteta lokalnih aktera, unapređenju saradnje između institucija i civilnog društva, te većem razumijevanju značaja vodnog naslijeđa kao resursa za održivi razvoj. Istovremeno, otvorena je perspektiva razvoja inicijativa poput budućeg „Muzeja vode“, kao prostora za učenje, dijalog i povezivanje zajednice.



# LET'S DEBATE CHANGE 2025

**solidar  
suisse**



**Grad  
Mostar**



**Trajanje projekta:** januar – oktobar, 2025.

**Donator:** Švicarska razvojna organizacija "Solidar Suisse"

**Sufinansira:** Grad Mostar

**Aplikant:** Agencija lokalne demokratije Mostar (Bosna i Hercegovina)

## O PROJEKTU

Projekat „Let's Debate Change“ / „Razgovarajmo o promjenama“ namijenjen je učenicima i učenicama srednjih škola s ciljem jačanja građanskog angažmana mladih i razvoja vještina zagovaranja, kroz osnaživanje srednjoškolaca i članova omladinskih vijeća da prepoznaju ključne probleme u svojim lokalnim zajednicama, provedu istraživanje u zajednici, te zagovaraju konkretne promjene kroz dijalog s lokalnim vlastima.

Projekat je implementiran u Mostaru, Konjicu i Prijedoru, a ciljna grupa su bili srednjoškolci i organizovani mladi. Kroz aktivnosti su učesnici unaprijedili vještine istraživanja, komunikacije, liderstva i zagovaranja. Općinske/gradske vlasti u sva tri grada pružile su institucionalnu podršku i omogućile pristup relevantnim resursima.

Kao rezultat projekta očekuje se povećano učešće mladih u procesima donošenja odluka, inicijative mladih zasnovane na istraživanjima, te ojačana saradnja između mladih, škola, omladinskih vijeća i lokalnih institucija.

Ciljne grupe: Učenici srednjih škola (ukupno 100 učenika) u ciljanim gradovima i članovi zajednice koji će imati koristi od lokalnih projekata koje su osmislili i vodili učenici.



# LET'S DEBATE CHANGE 2025

Tokom 2025. godine, projekat Let's Debate Change fokusirao se na osnaživanje mladih za aktivno učešće u društvenim procesima kroz edukaciju, istraživanje i zagovaranje u lokalnim zajednicama.



## ŠTA JE OBILJEŽILO 2025 GODINU?

- 10 edukativnih sesija (9 u srednjim školama i 1 u okviru Omladinskog savjeta Prijedor)
- 80 mladih, uključujući pripadnike manjina, osnaženo za istraživanje i zagovaranje društvenih tema
- 8 istraživačkih procesa o lokalnim izazovima koje su identificirali mladi
- Petodnevni omladinski kamp u Prijedoru
- Omladinska zagovaračka inicijativa
- Kampanja povodom Međunarodnog dana mladih
- Saradnja s lokalnim vlastima u Mostaru, Konjicu i Prijedoru

## FOKUS DJELOVANJA

- Građansko obrazovanje i participacija mladih
- Razvoj istraživačkih i zagovaračkih vještina
- Jačanje saradnje između mladih i institucija
- Promocija inkluzije i aktivnog građanstva
- Podizanje svijesti o lokalnim izazovima

## LET'S DEBATE CHANGE U 2025 – PLATFORMA ZA KONKRETNE PROMJENE

- Osnažujući mlade da prepoznaju i artikulišu probleme u svojim zajednicama
- Razvijajući njihove vještine za javno zagovaranje i djelovanje
- Povezujući mlade, škole i lokalne vlasti
- Doprinoseći stvaranju prostora za aktivno učešće mladih u donošenju odluka
- Jačajući kulturu dijaloga i odgovornog građanstva



# VIZIJA KROZ...



## MLADI POKRETAČI PROMJENA KROZ ISTRAŽIVANJE, DIJALOG I ZAGOVARANJE



**Mostar, Konjic i Prijedor | april – juni, 2025.**

U okviru projekta organizovane su edukativne sesije u srednjim školama i kroz Omladinski savjet Prijedor, gdje su mladi učili kako prepoznati probleme u zajednici, provoditi osnovna istraživanja i analizirati lokalne potrebe.

Kroz praktičan rad, mladi su istraživali teme poput zdravstvenih usluga, javnih prostora, higijene u školama i inkluzije djece sa razvojnim poteškoćama.

**3 OPĆINE U BIH  
80 MLADIH UČESNIKA  
10 EDUKATIVNIH SESIJA**



### **Primjer dobre prakse: Prijedor**

Omladinski savjet Prijedor identificirao je nedostatak sigurnog parkinga za bicikle i motocikle kao lokalni problem. Provedeno je istraživanje među 60 mladih, a rezultati su predstavljeni lokalnim vlastima i relevantnim akterima. Na osnovu nalaza, predloženo je uspostavljanje sigurnih i nadziranih parking prostora u javnim zonama, što je dobilo podršku institucija. Ova inicijativa pokazuje kako mladi kroz istraživanje i dijalog mogu doprinijeti razvoju lokalnih politika i rješenja.



# ...GLASOVE



## OMLADINSKI KAMP I RAZVOJ LIDERSTVA



Prijedor | juli, 2025.

Petodnevni ljetni kamp okupio je mlade iz Mostara, Konjica i Prijedora u sigurnom i inkluzivnom okruženju za učenje i razmjenu iskustava. Program je bio fokusiran na razvoj liderstva, komunikacijskih i zagovaračkih vještina, uz kombinaciju formalnih treninga i neformalnih aktivnosti. Mladi su imali priliku dodatno razviti vještine timskog rada, javnog nastupa i građanskog angažmana, te ojačati međusobno povjerenje i saradnju. Kamp je uključivao i učešće u obilježavanju Dana mladih u Prijedoru, dodatno povezujući projekat s lokalnim zajednicama.

15 UČESNIKA IZ 3 GRADA  
5 DANA INTENZIVNOG RADA  
INTERAKCIJA, UČENJE I UMREŽAVANJE

### REZULTATI I UTJECAJ

- Povećano samopouzdanje i motivacija mladih
- Razvijene liderske i komunikacijske vještine
- Ojačane veze između mladih iz različitih gradova
- Veće uključivanje mladih u lokalne inicijative i debate
- Prepoznata uloga mladih kao aktivnih aktera u zajednici



*„Hvala za svaki trenutak, svaku lekciju i podršku. Kamp nam je pomogao da izgradimo samopouzdanje i vjeru u sebe.“* - **Đana Čomor, učesnica iz Mostara**

# VEBY - VIRTUALNE RAZMJENE ZA MLADE BALKANA



Co-funded by  
the European Union



**Trajanje projekta:** jul 2023. – jun, 2026.

**Donator:** Evropska unija / ERASMUS+ Lump Sum Grants

**Aplikant:** United Societies of Balkans (U.S.B) (Grčka)

**Partneri:** Youth Alliance – Krusevo (Sjeverna Makedonija); Agencija lokalne demokratije (LDA) Mostar (Bosna i Hercegovina); Together for Life (TFL) (Albanija)


## O PROJEKTU

VEBY je trogodišnji projekat koji ima za cilj unapređenje učešća mladih ljudi sa manje mogućnosti u virtuelnim mobilnostima, kao i izgradnja veština za omladinske radnike i edukatore u oblasti medijske pismenosti, inkluzije i izgradnje mira.

Projekat se bavi izazovima sa kojima se suočavaju balkanske zajednice, kao što su postkonfliktna pitanja i ekonomski dispariteti.

VEBY nudi virtuelne razmjene sa niskim pragom za učešće, promovišući toleranciju, „soft“ vještine i kritičko razmišljanje dok se bori protiv dezinformacija i polarizacije. Projekat povezuje mlade ljude preko granica, njeguje interkulturalni dijalog i jača odnose EU sa zemljama koje nisu članice EU.

Glavne ciljne grupe su mladi, mladi s manje mogućnosti, omladinski radnici i edukatori, te organizacije koje se bave pitanjima mladih.



# VEBY - VIRTUALNE RAZMJENE ZA MLADE BALKANA

Tokom 2025. godine, projekat VEBY fokusirao se na jačanje digitalnih kompetencija mladih, unapređenje interkulturalnog učenja i razvoj participacije kroz virtualne razmjene i edukativne aktivnosti na međunarodnom nivou.



## ŠTA JE OBILJEŽILO 2025 GODINU?


- Analiza potreba mladih kroz fokus grupu
- Međunarodni trening (VFC – virtual facilitation competences)
- 2 VEBY virtualne razmjene (identitet i kulturna svijest, te medijska pismenost i kampanje)
- 4 Peertual virtualne razmjene (socijalna inkluzija, interkulturalni dijalog i EU vrijednosti, izgradnja mira, medijska pismenost)
- Razvijen priručnik za inkluziju mladih u virtualne razmjene
- Završna virtualna konferencija

## FOKUS DJELOVANJA

- Razvoj digitalnih i komunikacijskih vještina mladih
- Jačanje interkulturalnog razumijevanja i saradnje
- Unapređenje inkluzije mladih, posebno onih s manje mogućnosti
- Jačanje kapaciteta omladinskih radnika za rad u virtualnim okruženjima
- Povezivanje lokalnog i međunarodnog učenja kroz virtualne formate

## VEBY U 2025 – PLATFORMA ZA KONKRETNE PROMJENE

- Osnažujući mlade kroz učešće u međunarodnim virtualnim razmjenama
- Jačajući njihove digitalne, socijalne i interkulturalne kompetencije
- Povezujući mlade, omladinske radnike i partnere iz više zemalja
- Doprinoseći većoj spremnosti za učešće u transnacionalnim procesima učenja
- Stvarajući osnovu za dugoročnu primjenu virtualnih razmjena kao alata za inkluziju i obrazovanje mladih



# VIZIJA KROZ...



## VIRTUALNA RAZMJENA: IDENTITET I KULTURNA SVIJEST



**Online | BiH, Albanija, Grčka, S. Makedonija | februar, 2025.**

Prva virtualna razmjena okupila je 40 mladih iz četiri zemlje Zapadnog Balkana s ciljem jačanja interkulturalnog dijaloga i razumijevanja identiteta. Kroz interaktivne sesije i grupni rad, učesnici su istraživali teme identiteta, stereotipa, diskriminacije i kulturnih percepcija.

**5 INTERAKTIVNIH SESIJA**

**40 MLADIH**

**POVEĆANO RAZUMIJEVANJE IDENTITETA I KULTURNE RAZNOLIKOSTI**

**UNAPRIJEĐENE VJEŠTINE KOMUNIKACIJE I DIJALOGA**



## VIRTUALNA RAZMJENA: MEDIJSKA PISMENOST I KAMPANJE



**Online | BiH, Albanija, Grčka, S. Makedonija | april, 2025.**

Ova razmjena fokusirala se na medijsku pismenost, digitalnu sigurnost i kampanje zagovaranja. Kroz radionice i praktične vježbe, učesnici su razvijali kritičko razmišljanje i digitalne vještine potrebne za odgovorno djelovanje u online prostoru.

**5 DANA INTERAKTIVNIH RADIONICA**

**TEME: FACT-CHECKING, CYBERBULLYING, ONLINE KAMPANJE**

**PODRŠKA STRUČNJAKA IZ OBLASTI KOMUNIKACIJA I PSIHOLOGIJE**

**RAZVIJENE VJEŠTINE DIGITALNOG ZAGOVARANJA**

# ...GLASOVE




## PEERTUALNE VIRTUALNE RAZMJENE



**Online | BiH, Albanija, Grčka, S. Makedonija | maj-juli, 2025.**

U okviru serije Peertual virtualnih razmjena, 80 mladih je učestvovalo u tematskim aktivnostima na sljedeće teme: socijalna inkluzija, interkulturalni dijalog i EU vrijednosti, izgradnja mira i medijska pismenost. Kroz timski rad, diskusije i kreativne zadatke, učesnici su razvijali digitalne kampanje i razmatrali teme poput diskriminacije, tolerancije, ljudskih prava i digitalne odgovornosti.



## FINALNA VIRTUALNA KONFERENCIJA



**Online | BiH, Albanija, Grčka, S. Makedonija | decembar, 2025.**

U okviru završne faze projekta održana je jednodnevna online konferencija pod nazivom „Virtualne razmjene kao put ka miru, inkluziji i zajedničkim vrijednostima za mlade na Balkanu“. Konferencija je okupila preko 80 mladih, omladinskih radnika i edukatora iz cijelog regiona, s ciljem razmjene iskustava i predstavljanja rezultata projekta, kao i razgovora o mogućnostima daljnje regionalne saradnje. Kroz panel diskusiju i interaktivne sesije, učesnici su razmatrali ulogu virtualnih razmjena u promociji inkluzije, dijaloga i izgradnje mira, uz predstavljanje praktičnih primjera iz rada partnerskih organizacija.

# YAMNFL2 - AMBASADORI ZA NEFORMALNO OBRAZOVANJE MLADIH - FAZA 2



Co-funded by  
the European Union



**Trajanje projekta:** decembar, 2023. – novembar, 2025.

**Donator:** Evropska unija / ERASMUS+ Lump Sum Grants

**Aplikant:** Agencija lokalne demokratije Mostar (LDA Mostar) (Bosna i Hercegovina)

**Partneri:** United Societies of Balkans (U.S.B) (Grčka); ZID Udruženje (Crna Gora), TDM 2000 (Italija); NGO Iuventa (Srbija); YOUTH 4 SOCIETY (Albanija)

## O PROJEKTU

Projekat "Ambasadori za neformalno obrazovanje mladih – faza 2" (YAMNFL2) nastavak je projekta „[Ambasadori za neformalno obrazovanje mladih](#)“, uspješno implementiranog u periodu od novembra, 2020. do maja, 2022. godine, odobrenog kroz program ERASMUS-YOUTH-2019-CB. Faza 2 projekta uključuje 6 partnera iz programa i zemalja Zapadnog Balkana, koja ima za cilj da izgradi kapacitete mladih kroz učešće u aktivnostima neformalnog obrazovanja i sposobnost prepoznavanja kompetencija stečenih izvan formalnog obrazovnog okruženja, kako bi se poboljšala zapošljivost mladi kroz inovativnu metodologiju.

Korisnici projekta pridružiti će se dvogodišnjem putovanju kako bi stekli znanja o najboljim praksama koje se koriste u njihovoj lokalnoj stvarnosti, karakteristikama neformalnog obrazovanja za povećanje (samo)zapošljivosti, prikupljanju inspirativnih uspješnih priča, razvijanju namjenskih alata i metoda i obučiti se za direktan rad na terenu.



# YAMNFL2 - AMBASADORI ZA NEFORMALNO OBRAZOVANJE MLADIH - FAZA 2

Tokom 2025. godine projekat YAMNFL2 bio je usmjeren na jačanje zapošljivosti mladih, promociju neformalnog učenja i unapređenje saradnje između organizacija sa Zapadnog Balkana i EU kroz praktične aktivnosti, mobilnosti i razmjenu znanja.



## ŠTA JE OBILJEŽILO 2025 GODINU?

- Međunarodna studijska posjeta Ambasadora za mlade Solunu, Grčka
- Dva ciklusa lokalnih radionica o zapošljivosti mladih
- Sajam zapošljavanja mladih u Sarajevu
- Završni evaluacijski sastanak i završna konferencija u Mostaru
- Publikacije (Booklet No. 5–8) i newsletteri projekta
- TEDx Shorts kratki video klipovi kao digitalni edukativni sadržaj

## FOKUS DJELOVANJA

- Jačanje zapošljivosti i praktičnih vještina mladih
- Promocija i valorizacija neformalnog učenja
- Razvoj kompetencija Ambasadora za mlade i omladinskih radnika
- Unapređenje regionalne saradnje i umrežavanja
- Povezivanje mladih s institucijama i tržištem rada

## YAMNFL2 U 2025 – PLATFORMA ZA KONKRETNE PROMJENE:

Kroz kombinaciju mobilnosti, lokalnih aktivnosti i digitalnih sadržaja, projekat je doprinio osnaživanju mladih, boljem povezivanju aktera i jačanju svijesti o važnosti neformalnog obrazovanja. Mladi su imali priliku da razviju vještine koje direktno doprinose njihovoj zapošljivosti, dok su organizacije unaprijedile metode rada i pristupe u radu s mladima. Projekat je dodatno ojačao saradnju između organizacija i institucija, doprinoseći većem uključivanju mladih u društvene procese i jačanju participativnih mehanizama na lokalnom i regionalnom nivou.



# VIZIJA KROZ...



## MEĐUNARODNA STUDIJSKA POSJETA



**Thessaloniki, Grčka | maj, 2025.**

U okviru studijske posjete u Solunu, 20 učesnika je imalo priliku da kroz direktan kontakt s organizacijama i praktičnim primjerima istraže kako neformalno učenje doprinosi zapošljivosti mladih i razvoju karijernih mogućnosti.

Tokom aktivnosti, organizovane su posjete relevantnim nevladinim organizacijama koje primjenjuju neformalno učenje, kao i aktivnosti umrežavanja, jačanja tima i istraživanja grada. Učesnici su se upoznali s konkretnim primjerima primjene NFL metodologija u radu s mladima.

**20 UČESNIKA IZ 6 ZEMALJA  
6 DANA PROVEDNIH U UČENJU, RAZMJENI I UMREŽAVANJU  
PRIMJERI DOBRE PRAKSE KROZ POSJETE 7 LOKALNIH ORGANIZACIJA**

### Rezultati i utjecaj:

- Unaprijeđeno razumijevanje neformalnog učenja i njegove primjene
- Ojačane kompetencije Ambasadora za mlade
- Povećana motivacija za primjenu NFL metoda u lokalnim zajednicama
- Jačanje regionalne mreže i buduće saradnje među učesnicima



# ...GLASOVE



## FINALNA DISEMINACIJSKA KONFERENCIJA



**Mostar, Bosna i Hercegovina | novembar, 2025.**

Završna konferencija projekta okupila je skoro 50 ključnih aktera s ciljem predstavljanja rezultata projekta i diskusije o ulozi neformalnog obrazovanja u razvoju mladih.

Konferencija je obuhvatila panel diskusije, prezentaciju projektnih rezultata i interaktivne razgovore između učesnika i donosioca odluka. Događaj je također obilježio i institucionalni razvoj kroz preuzimanje uloge Nacionalne kontakt tačke za Erasmus+ program za mlade u Bosni i Hercegovini od strane LDA Mostar.

**20 UČESNIKA IZ 6 ZEMALJA  
6 DANA PROVEDNIH U UČENJU, RAZMJENI I UMREŽAVANJU  
PRIMJERI DOBRE PRAKSE KROZ POSJETE 7 LOKALNIH ORGANIZACIJA**

### REZULTATI I UTJECAJ

- Povećano razumijevanje uloge neformalnog obrazovanja u zapošljivosti
- Jačanje povezanosti između mladih, institucija i organizacija
- Povećana informiranost o programima poput Erasmus+ programa za mlade i European Solidarity Corps
- Ojačana motivacija učesnika za primjenu stečenih znanja u zajednici
- Podstaknuta buduća saradnja među akterima na lokalnom i regionalnom nivou



# PIROUETTE 2 – KREARTIVNA ZAJEDNICA



Co-funded by  
the European Union



**Trajanje projekta:** januar 2025 – decembar 2026

**Donator:** Evropska unija / ERASMUS+ Program

**Aplikant:** Agencija lokalne demokratije Mostar (Bosna i Hercegovina)

**Partneri:** Redial Partnership (Irska), Anibar (Kosovo\*), NGO NEST Berlin (Njemačka), Optimisti (Crna Gora), Magnet House (Srbija)

## OPIS PROJEKTA

PIROUETTE 2 – Faza 2 nastavlja rad prethodnog projekta (2022–2023), koristeći izvedbene umjetnosti kao inovativnu metodologiju neformalnog obrazovanja s ciljem unapređenja društvenog i građanskog angažmana mladih.

Projekat je usmjeren na mlade, omladinske radnike, mlade umjetnike (uključujući one s manje mogućnosti) i trenere iz Bosne i Hercegovine, Irske, Kosova, Njemačke, Crne Gore i Srbije, te ih podstiče da povežu globalne izazove s djelovanjem na lokalnom nivou.

Aktivnosti obuhvataju treninge, studijske posjete, lokalne i međunarodne razmjene, kao i umjetničke performanse koji se bave globalnim temama. Očekivani rezultati uključuju unaprijeđene kapacitete mladih, veću uključenost „nedovoljno zastupljenih umjetnika“, jačanje angažmana u zajednici, te promociju izvedbenih umjetnosti kao alata za aktivno građanstvo.



## PIROUETTE 2 – KREARTIVNA ZAJEDNICA

Tokom 2025. godine, projekat Pirouette 2 povezivao je umjetnost i globalno obrazovanje kroz kreativne metode rada s mladima, jačajući njihove kapacitete i razumijevanje globalnih tema. Poseban fokus bio je na osnaživanju mladih, uključujući one s manje mogućnosti, kroz razvoj socijalnih, građanskih i umjetničkih kompetencija. Kroz međunarodnu saradnju ojačana je povezanost partnerskih organizacija i povećana vidljivost mladih umjetnika, dok razvijeni alati i metodologije predstavljaju održiv resurs za budući rad.



### ŠTA JE OBILJEŽILO 2025. GODINU?


- Međunarodni trening o integraciji umjetničkih praksi u globalno obrazovanje (Veliki Gaj, Srbija)
- Razvijen [trening format, smjernice za primjenu umjetničkih metoda u globalnom obrazovanju](#)
- Lokalni treninzi o globalnom obrazovanju
- Međunarodna studijska posjeta (Dublin, Irska)

### FOKUS DJELOVANJA

- Jačanje socijalnih, građanskih i umjetničkih kompetencija mladih
- Povezivanje umjetnosti i globalnog obrazovanja
- Podizanje svijesti o globalnim i lokalnim izazovima
- Osnaživanje mladih umjetnika i promocija inkluzije
- Jačanje međunarodne saradnje
- Razvoj održivih edukativnih i umjetničkih praksi

### PIROUETTE 2 U 2025 - KAO PLATFORMA ZA KONKRETNE PROMJENE:

- Jačanje kapaciteta mladih kroz umjetnost i globalno obrazovanje
- Povezivanje umjetnika, omladinskih radnika i organizacija
- Korištenje kreativnog izražavanja za razumijevanje društvenih i globalnih tema
- Promocija inkluzije i vidljivosti mladih umjetnika
- Razvoj održivih metoda i alata za rad s mladima



# VIZIJA KROZ...



## GLOBALNA EDUKACIJA ZA DRUŠTVENI ANGAŽMAN



**Srbija, Veliki Gaj | maj, 2025.**

Sedmodnevni međunarodni trening okupio je 27 omladinskih radnika, a bio je usmjeren na povezivanje performativnih umjetnosti, neformalnog obrazovanja i društvenog angažmana. Učesnici su kroz praktične metode istraživali kako umjetnost može služiti kao alat za globalno obrazovanje, aktivizam i inkluziju. Kroz rad u grupama, kreativne vježbe i razmjenu iskustava, razvijene su ideje za lokalne umjetničke inicijative koje adresiraju izazove u zajednici.

**27 UČESNIKA IZ 6 ZEMALJA  
7 DANA PROVEDNIH U UČENJU, RAZMJENI I UMREŽAVANJU**

### REZULTATI I UTJECAJ

- Razmjena iskustava među učesnicima iz više zemalja ojačala suradnju
- Razvijene kompetencije za umjetnost u društvenom angažmanu
- Povećana svijest o ulozi umjetnosti u inkluziji i globalnim temama
- Postavljeni temelji za lokalne umjetničke inicijative



# ...GLASOVE

## **phase //** **PiROUETTO** LOKALNI TRENINZI

### **Mostar, Bosna i Hercegovina | avgust, 2025.**

Lokalni trening u Mostaru fokusirao se na primjenu performativnih umjetnosti poput fotografije, pokreta, poezije i teatra za povezivanje globalnih tema s lokalnim izazovima. Učesnici su kroz kreativni proces razvili vlastite umjetničke radove i na kraju predstavili zajedničku izvedbu koja je prenijela poruke zajednici.

**10 MLADIH UMJETNIKA I AKTIVISTA  
GRUPNI RAD I RAZMJENA IDEJA  
DISKUSIJE O ULOZI UMJETNOSTI U ZAJEDNICI**

**27 UČESNIKA IZ 6 ZEMALJA  
7 DANA PROVEDNIH U UČENJU  
RAZMJENI I UMREŽAVANJU**

## **phase //** **PiROUETTO** STUDIJSKA POSJETA IRSKIM ORGANIZACIJAMA

### **Dublin, Irska | septembar, 2025.**

Tokom studijske posjete u Dublinu, učesnici su istraživali povezanost umjetnosti, aktivizma i građanskog angažmana kroz posjete organizacijama, kulturnim prostorima i inicijativama za mlade.

Program je uključivao susrete s lokalnim organizacijama, posjete galerijama i youth centrima, kao i uvid u praksu organizacija koje koriste umjetnost za društvenu promjenu.



# EKONOMSKO UKLJUČIVANJE I PRAVDA ZA ŽENE ZAPADNOG BALKANA

With funding from  
 Austrian  
Development  
Cooperation



**LINK**  
PODUZETNIČKI CENTAR



**Trajanje projekta:** juli, 2025.- juni, 2027.

**Donator:** CARE BALKANS

**Aplikant:** Agencija lokalne demokratije Mostar (Bosna i Hercegovina)


**Partner:** LINK poduzetnički centar (Bosna i Hercegovina)

## O PROJEKTU

„Ekonomsko uključivanje i pravda za žene Zapadnog Balkana“ (EWI) finansira Austrijska razvojna agencija, a implementiraju ga CARE Austrija i CARE Balkans u saradnji s četiri partnerske organizacije u regionu (ENECA, LINK, SDC i TEHNOPOLIS). LDA Mostar, u saradnji s CARE Balkans i Udruženjem za poduzetništvo i biznis LINK, učestvuje kao korisnik sub-granta na projektu, čiji je cilj osnaživanje i unapređenje ekonomskih prava žena na Zapadnom Balkanu.

Uloga LDA Mostar u projektu obuhvata:

- Zagovaranje i angažman u oblasti ekonomske aktivacije žena na nivou lokalnih zajednica
- Provođenje terenskih aktivnosti s ciljem jačanja rodno osjetljivih zajednica
- Povezivanje ključnih aktera i korisnika, te posredovanje između učesnika projekta i lokalnih institucija, uključujući službe za zapošljavanje i centre za socijalni rad
- Podrška integraciji rodno osjetljivih mehanizama u programe zapošljavanja i poduzetništva
- Podrška ženama poduzetnicama i ženama koje traže zaposlenje (savjetodavna podrška, umrežavanje, učešće u treninzima)
- Podizanje svijesti i transformacija društvenih normi kroz učešće u lokalnim inicijativama, promotivnim i informativnim kampanjama.




# EKONOMSKO UKLJUČIVANJE I PRAVDA ZA ŽENE ZAPADNOG BALKANA

Tokom 2025. godine, aktivnosti CARE EWI projekta bile su usmjerene na informisanje i uključivanje žena u grant shemu te jačanje kapaciteta organizacije za rad s ciljnom grupom. Kroz info dane u saradnji s partnerom LINK mobilizirano je 165 žena, čime je unaprijeđen pristup informacijama i mogućnostima podrške.



## **ŠTA JE OBILJEŽILO 2025. GODINU?**

- Organizacija info dana u saradnji s LINK poduzetničkim centrom
- Mobilizacija 165 žena za učešće u grant shemi
- Proširenje baze kontakata žena i ženskih organizacija
- Jačanje saradnje i umrežavanja s lokalnim akterima
- Primjena procedura za rodnu ravnopravnost i antidiskriminaciju
- Interno jačanje kapaciteta tima kroz obuke i dodatne aktivnosti



## **FOKUS DJELOVANJA**

- Ekonomsko osnaživanje žena kroz pristup informacijama i programima podrške
- Jačanje inkluzije žena iz ruralnih i marginaliziranih zajednica
- Unapređenje rodne ravnopravnosti i primjena antidiskriminacijskih principa
- Razvoj i širenje mreže žena i ženskih organizacija
- Jačanje organizacijskih kapaciteta i internih procedura
- Podrška participativnom uključivanju žena u lokalne procese

## **EWI U 2025 – PLATFORMA ZA KONKRETNE PROMJENE:**

Projekat je izravno doprinjeo implementaciji Gender Akcionog plana Grada Mostara, kroz povećanje ekonomskog osnaživanja žena i njihovog pristupa informacijama, resursima i programima podrške, posebno za žene iz ruralnih i marginaliziranih zajednica.

Primijenjene su rodno osjetljive i antidiskriminacijske prakse, čime je ojačana uloga LDA Mostar kao organizacije koja aktivno štiti prava korisnika

# VIZIJA KROZ...

Tokom 2025. godine, u okviru CARE EWI projekta, LDA Mostar je u saradnji s LINK poduzetničkim centrom organizovala info dane s ciljem informisanja žena o mogućnostima učešća u programu grant sheme za žensko poduzetništvo. Aktivnosti su bile usmjerene na približavanje dostupnih prilika, jačanje pristupa informacijama te motivisanje žena da se uključe u programe podrške. Informacije o javnom pozivu predstavljene su ženama iz Stoca, Mostara, Širokog Brijega, Drežnice, Čapljine, Posušja, Gruda i drugih lokalnih zajednica.

Kroz direktan rad na terenu i partnersku saradnju, organizacija je uspješno mobilizirala i informisala 165 žena, uključujući i one iz ruralnih i marginaliziranih zajednica, čime je unaprijeđena dostupnost informacija i podrške za razvoj poslovnih ideja i unapređenje postojećih biznisa.

Info dani su predstavljali prostor za otvorenu komunikaciju, razmjenu iskustava i dodatna pojašnjenja o uslovima prijave, kriterijima i mogućnostima finansijske i tehničke podrške u okviru programa.



# ...GLASOVE

Program je rezultirao velikim brojem prijava, od kojih je 33 žene podržano za pokretanje vlastitog posla, dok je 36 žena dobilo podršku za unapređenje postojećih biznisa, što potvrđuje značaj kvalitetnog informisanja i terenskog pristupa u doseganju ciljnih grupa.

Pored direktnih rezultata, aktivnosti su doprinijele i jačanju mreže žena i ženskih organizacija, unapređenju saradnje s lokalnim akterima te proširenju baze kontakata za buduće inicijative usmjerene na ekonomsko osnaživanje žena.

## ZNAČAJ AKTIVNOSTI

- direktno informisanje i motivisanje žena za učešće
- povećanje vidljivosti programa podrške
- uključivanje žena iz manje dostupnih i marginaliziranih sredina
- jačanje povjerenja između organizacija i ciljnih grupa
- stvaranje temelja za dugoročnu saradnju i buduće programe podrške



# ZAJEDNICA VOLONTERA



**Trajanje projekta:** avgust, 2025. - decembar, 2026.

**Donator:** UNICEF

**Aplikant:** Agencija lokalne demokratije Mostar

## O PROJEKTU

Kroz projekat „Pravednije društvo: Promocija socijalne kohezije i raznolikosti u Bosni i Hercegovini“ – [Dijalog za budućnost 3 \(DFF3\)](#), koji provode tri UN-ove agencije: UNDP, UNESCO i UNICEF, LDA Mostar provodi aktivnosti u okviru programa „Zajednica volontera“ s ciljem jačanja građanskog angažmana mladih u 10 općina u Bosni i Hercegovini (Bosanska Krupa, Dobož, Glamoč, Gornji Vakuf–Uskoplje, Milići, Mostar, Stolac, Teslić, Tuzla i Zvornik) U podijeljenim ili historijski osjetljivim sredinama poput Mostara, Stoca, Gornjeg Vakufa–Uskoplja i Zvornika, ovaj program ima ključnu ulogu u stvaranju neutralnih i saradničkih prostora za mlade.

U ruralnijim i manje razvijenim područjima poput Glamoča, Milića i Bosanske Krupe, doprinosi smanjenju strukturne isključenosti kroz ciljano informisanje, edukaciju i mentorsku podršku mladima s ograničenim pristupom prilikama. Kroz uključivanje mladih u Lokalne dijaloške platforme (LDP), pružanje inkluzivnih treninga i izgradnju lokalnih partnerstava, program osnažuje adolescente da djeluju kao pokretači promjena, posebno u podijeljenim i zapostavljenim sredinama.

Osiguravanjem najmanje 50% učešća djevojaka i uključivanjem marginaliziranih grupa, inicijativa jača rodno osjetljivu i interkulturalnu saradnju. Kroz pripovijedanje i veću vidljivost u zajednici, program izaziva podjele i narative koji ih održavaju, te gradi zajedničke, pozitivne identitete. U konačnici, inicijativa osnažuje mlade da zajedno kreiraju inkluzivne i mirne zajednice, direktno doprinoseći dugoročnoj društvenoj koheziji u Bosni i Hercegovini.



# ZAJEDNICA VOLONTERA

Tokom 2025. godine, projekat je jačao kapacitete mladih kroz participativne pristupe i PAR metodologiju, omogućavajući učesnicima da bolje razumiju lokalne izazove i aktivno učestvuju u njihovom rješavanju. Razvijene su istraživačke, analitičke i komunikacijske vještine, uz jačanje samopouzdanja i svijesti o ulozi mladih u zajednici.



Projekat je doprinio povezivanju mladih iz različitih lokalnih konteksta, unapređenju saradnje i dijaloga te razvoju participativnih i dokazima utemeljenih inicijativa.



## **ŠTA JE OBILJEŽILO 2025. GODINU?**

- Mobilizacija i uključivanje mladih
- Trening i jačanje kapaciteta 105 mladih iz 6 zajednica kroz PAR metodologiju
- Razvoj i implementacija trening modula
- Mentorska podrška i vršnjačko liderstvo
- Uključivanje u Lokalne dijaloške platforme (LDP)
- Storytelling i komunikacijske aktivnosti
- Primjena PSEA standarda i kontinuirani monitoring

## **FOKUS DJELOVANJA**

- Jačanje kapaciteta mladih za participativno istraživanje i analizu lokalnih problema
- Razvoj praktičnih vještina za rad u zajednici i donošenje odluka
- Podsticanje aktivnog učešća mladih u lokalnim procesima
- Jačanje vršnjačke saradnje, mentorstva i razmjene iskustava
- Povezivanje mladih s lokalnim akterima i zajednicom
- Razvoj inicijativa zasnovanih na dokazima i participativnim metodama zasnovanih na dokazima i participativnim metodama

# VIZIJA KROZ...

## TRENING O PAR METODOLOGIJI I NJENOJ PRIMJENI



**Mostar, Stolac, Glamoč, Gornji Vakuf-Uskoplje, Tuzla | decembar, 2025.**

Tokom posljednjeg kvartala 2025. godine, LDA Mostar, uz podršku UNICEF-a, implementirala je aktivnosti u pet općina širom Bosne i Hercegovine, uključujući Mostar, Stolac, Glamoč, Gornji Vakuf-Uskoplje i Tuzlu. U okviru projekta mobilizirano je i uključeno 105 mladih u proces upoznavanja i primjene Participatory Action Research (PAR) metodologije.

Kroz seriju radionica i trening modula, učesnici su uvedeni u osnove PAR pristupa, istraživačke metode i praktične alate za identifikaciju i analizu lokalnih problema. Aktivnosti su kombinovale teorijski i praktični rad, uz fokus na timski rad i inicijalno definiranje tema koje će biti predmet daljnjeg istraživanja u zajednicama.

**105 UČESNIKA IZ 5 OPĆINA U BIH  
OSNOVE PAR METODOLOGIJE I NJENE PRIMJENE**



# ...GLASOVE

## REZULTATI I UTJECAJ

- Održana dva PAR trening modula u Mostaru, uz više sesija i rad na istraživačkim alatima
- U Stocu realizirane dvije sesije, uz uvod u PAR i identifikaciju potencijalnih inicijativa
- U Glamoču održana uvodna radionica s mladima, uz planirane naredne istraživačke aktivnosti
- U Gornjem Vakufu-Uskoplju provedena uvodna sesija i identifikacija lokalnih izazova
- U Tuzli realizovan prvi modul i uvod u PAR metodologiju i istraživačke alate
- Mladi su započeli prepoznavanje lokalnih problema i formiranje istraživačkih tema
- Učesnici pokazali visok nivo motivacije, interesovanja i spremnosti za aktivno uključivanje
- Postavljene osnove za daljnji rad na lokalnim istraživanjima i inicijativama zasnovanim na PAR pristupu



# RODNO ODGOVORNO BUDŽETIRANJE: OD PAPIRA DO PRAKSE



Co-funded by  
the European Union



**Trajanje projekta:** novembar, 2025. - septembar, 2026.

**Donator:** Evropska unija

**Ugovarač granta:** Centar za istraživačko novinarstvo (CIN)

**Aplikant i korisnik granta:** Agencija lokalne demokratije Mostar

## O PROJEKTU

Projekat „Rodno odgovorno budžetiranje: Od papira do prakse“ ima za cilj unaprijediti transparentnost, odgovornost i inkluzivnost u budžetskom procesu Grada Mostara. Projekat se fokusira na integraciju rodne perspektive u općinski budžet i podršku implementaciji Gender Akcionog plana (GAP) 2024.–2027.

Kroz kombinaciju analize budžeta, okruglih stolova, policy brief-ova, radionica finansijske pismenosti, medijskih kampanja i završne konferencije, projekat je usmjeren na gradske službenike, aktere civilnog društva, medije i građane.

Očekivani rezultati uključuju:

- poboljšano razumijevanje koncepta rodno odgovornog budžetiranja,
- jačanje kapaciteta građana za aktivno učešće u budžetskim procesima,
- konkretne preporuke za integraciju rodne ravnopravnosti u planiranje i donošenje odluka o općinskom budžetu.



# RODNO ODGOVORNO BUDŽETIRANJE: OD PAPIRA DO PRAKSE



Co-funded by  
the European Union



U 2025. godini fokus projekta bio je na uspostavljanju temelja za njegovu uspješnu implementaciju, kroz detaljno planiranje aktivnosti, razvoj metodologije rada i uspostavljanje saradnje s ključnim akterima, dok je realizacija većine planiranih aktivnosti predviđena za naredni period.

## PLANIRANE AKTIVNOSTI SU:

- Analiza budžeta Grada Mostara za 2025. godinu, uključujući procjenu transparentnosti, rodne ravnopravnosti i primjene Gender Akcionog plana (GAP)
- Okrugli stol s vijećnicima, administracijom, civilnim društvom i medijima radi diskusije nalaza i preporuka
- Izrada policy brief-a s konkretnim prijedlozima za unapređenje rodne perspektive u budžetskom procesu
- Radionice finansijskog opismenjavanja za jačanje znanja i vještina učešća u budžetskim procesima i zagovaranju
- Medijska kampanja za približavanje koncepta rodno odgovornog budžetiranja građanima
- Završna konferencija za predstavljanje rezultata, nalaza i preporuka




## FOKUS DJELOVANJA

- Jačanje inkluzivnog i participativnog upravljanja i veće uključivanje građana
- Unapređenje transparentnosti i odgovornosti u lokalnom budžetskom procesu
- Jačanje rodne ravnopravnosti kroz integraciju rodne perspektive i podršku GAP-u 2024–2027
- Razvoj kapaciteta institucija, civilnog društva i građana za razumijevanje i zagovaranje u oblasti javnih finansija

# ROLES - OSNAŽIVANJE MENTALNOG ZDRAVLJA KROZ UMJETNOST



Co-funded by  
the European Union



**Trajanje projekta:** decembar, 2025. - novembar, 2027.

**Donator:** Evropska unija / ERASMUS+ Lump Sum Grants

**Aplikant:** United Societies of Balkans (U.S.B) (Grčka);

**Partneri:** LDA Mostar (Bosna i Hercegovina); Fundacija Sempre A Frente (Poljska); Teatro Metaphora (Portugal); HODINA H (Republika Češka); Act Center (Albanija); YIHR (Crna Gora)

## O PROJEKTU

Stigma vezana za mentalno zdravlje proizlazi iz dezinformacija, straha i negativnih društvenih stavova, što dovodi do diskriminacije i socijalne isključenosti. Projekat ima za cilj osnažiti omladinske radnike, trenere, facilitatora i stručnjake u neformalnom obrazovanju kroz primjenu umjetničkih i kreativnih metoda za prevazilaženje stigme i jačanje otpornosti mladih.

Kroz integraciju ekspresivnih tehnika poput pozorišta, igranja uloga i somatskih pristupa, učesnici stiču praktične alate za izazivanje stereotipa i unapređenje inkluzivnog i empatičnog rada s mladima. Program jačanja kapaciteta kombinuje teoriju i praksu te omogućava primjenu umjetnosti kao sredstva za angažman, zagovaranje i destigmatizaciju mentalnog zdravlja.


Projekat povezuje partnere iz EU i Zapadnog Balkana radi razmjene znanja i iskustava, doprinoseći razvoju kompetencija i stvaranju mreže obučanih profesionalaca koji nastavljaju primjenjivati ove metode i nakon završetka projekta, s ciljem dugoročnog unapređenja svijesti i stavova o mentalnom zdravlju među mladima.



# ROLES - OSNAŽIVANJE MENTALNOG ZDRAVLJA KROZ UMJETNOST

## OČEKIVANI REZULTATI

- Povećan kapacitet stručnjaka za rad s mladima da se suoče sa stigmom mentalnog zdravlja koristeći umjetničke i ekspresivne metode u svakodnevnom radu.
- Poboljšana otpornost, samopouzdanje i dobrobit stručnjaka za rad s mladima, omogućavajući im bolje upravljanje osjetljivim temama mentalnog zdravlja.
- Veća svijest i otvorenost mladih za razgovor o mentalnom zdravlju kroz kreativne i participativne aktivnosti.
- Smanjenje stigme, stereotipa i diskriminatornih stavova vezanih za mentalno zdravlje unutar radnog okruženja i lokalnih zajednica.
- Razvoj i implementacija održivih umjetničkih alata, metoda i praksi koje se mogu replicirati i nakon završetka projekta.
- Jačanje prekograničnih mreža i saradnje među organizacijama mladih u EU i Zapadnom Balkanu, doprinoseći dugoročnom utjecaju i usklađivanju politika s evropskim vrijednostima.
- Promocija korištenja performativnih umjetnosti kao inovativne metode neformalnog obrazovanja za poticanje socijalnog i građanskog angažmana mladih kroz globalne obrazovne prakse, podržavajući nepriviligirane umjetnike i održivost njihovog rada.



# KAMPANJA „RECI KAKO JESTE“

**Naziv aktivnosti:** “Reci kako jeste” - Kampanja 16 dana aktivizma protiv rodno zasnovanog nasilja -online&social media

**Trajanje aktivnosti:** novembar – decembar, 2025 .

U sklopu globalne kampanje „16 dana aktivizma protiv rodno zasnovanog nasilja“, LDA Mostar je vodila kampanju „Reci kako jeste“, mobilizirajući muškarce da prepoznaju i preuzmu odgovornost za kulturne obrasce koji perpetuiraju nasilje. Aktivisti, glumci, muzičari, TV voditelji, ljekari i novinari udružili su snage kako bi javno govorili o problemu, pokazujući da promjena počinje kada muškarci izazovu normalizovana ponašanja i društvene „šale“ koje opravdavaju zlostavljanje. Kampanja je postigla značajan doseg i angažman na društvenim mrežama, reflektujući hitnu potrebu za javnim razgovorima o rodno zasnovanom nasilju i jačajući ulogu LDA Mostar u provođenju transformativnih akcija u zajednici.

U kampanji je učestvovalo 11 aktivista, umjetnika, muzičara, ljekara i novinara kao javni glasovi, a proizveden je i distribuiran javni kampanjski sadržaj na društvenim mrežama.

## ODJEK KAMPANJE

- Povećana svijest lokalne zajednice da je rodno zasnovano nasilje društveni, a ne privatni problem
- Demonstrirana važnost da muškarci preuzmu odgovornost u izazivanju i promjeni kulturnih normi koje perpetuiraju nasilje
- Povećano angažovanje na društvenim mrežama, pokazujući javni interes za raspravu o rodno zasnovanom nasilju i podršku kulturnim promjenama
- Ojačana reputacija LDA Mostar kao vodećeg aktera u promociji rodne ravnopravnosti i građanskog aktivizma
- Pokrenut širi dijalog u zajednici i refleksija o normalizovanim ponašanjima, doprinoseći dugoročnoj promjeni stavova prema rodno zasnovanom nasilju.



# KAMPANJA „RECI KAKO JESTE“



*Rodno zasnovano nasilje nije 'privatni problem', nego kulturni obrazac. A kultura se mijenja kad muškarci preuzmu odgovornost. Ovih 16 dana (i svaki drugi dan!), nazvali smo stvari pravim imenom.*



# LDA MOSTAR - NACIONALNA KONTAKT TAČKA ERASMUS+ PROGRAMA ZA MLADE



Co-funded by  
the European Union

**Erasmus+**  
Enriching lives, opening minds.



**Trajanje projekta:** 2025.–2026.

**Donator:** Evropska unija / Erasmus+ program za mlade putem SALTO South East Europe Resource Centre

**Aplikant:** Agencija lokalne demokratije Mostar

**Partneri:** Erasmus+ ESC Contact Point Bosna i Hercegovina, SALTO South East Europe Resource Centre, Erasmus+ Youth Contact Point Network (Zapadni Balkan), omladinske organizacije, NVO i javne omladinske institucije širom BiH, EU i regionalne partnerske organizacije (projektno zasnovano)

## O PROJEKTU

Projekat uspostavlja LDA Mostar kao zvaničnu Nacionalnu kontakt tačku za Erasmus+ program za mlade u Bosni i Hercegovini, s ciljem povećanja svijesti, dostupnosti i učešća organizacija iz BiH u Erasmus+ programu za mlade. Projektom se adresiraju strukturni nedostaci nastali zbog nepostojanja nacionalne Erasmus+ agencije u BiH, pružajući decentralizovane informacije, razvoj kapaciteta, mentorsku podršku i pomoć pri traženju partnera.

**Geografski obuhvat:** cijela teritorija Bosne i Hercegovine, s posebnim fokusom na manje gradove, ruralna područja i organizacije koje rade s mladima s manje mogućnosti.

## Ciljne grupe:

- Omladinske NVO i civilno društvo (posebno novopridošle organizacije)
- Javne omladinske institucije i lokalne vlasti
- Omladinske mreže i krovne organizacije
- Organizacije koje rade s marginalizovanom i nedovoljno zastupljenom mladom populacijom



# LDA MOSTAR - NACIONALNA KONTAKT TAČKA ERASMUS+ PROGRAMA ZA MLADE

## Planirane aktivnosti

- Informativne sesije o Erasmus+ Youth i ESC programima (nacionalni i lokalni nivo)
- Treninge za razvoj kapaciteta (pisanje projekata, upravljanje, partnerstva)
- Individualne konsultacije i mentorska podrška za aplikantske organizacije
- Olakšana potraga za partnerima s EU i regionalnim organizacijama
- Tematske radionice fokusirane na inkluziju i nove učesnike
- Promocija dobrih praksi i uspješnih Erasmus+ priča
- Distribucija i promocija materijala i web stranice CP mreže
- Medijske aktivnosti i akcije podizanja javne svijesti

## Očekivani rezultati

- Povećano učešće organizacija iz BiH u Erasmus+ Youth i ESC programima
- Ojačani kapaciteti omladinskih NVO za dizajn i upravljanje projektima finansiranim od EU
- Unaprijeđena inkluzija organizacija koje rade s ranjivim i nedovoljno zastupljenim mladima
- Bolja međunarodna saradnja između aktera omladinskog sektora u BiH i EU
- Povećana vidljivost i razumijevanje Erasmus+ Youth prilika širom zemlje
- Strukturiranija nacionalna podrška omladinskim organizacijama u odsustvu Nacionalne agencije

Sveukupno, projekat doprinosi jačanju, inkluzivnosti i povezanosti omladinskog sektora u BiH, omogućavajući dugoročnu i održivu participaciju u evropskim omladinskim programima.



# VIZIJA KROZ...

## NACIONALNA KONFERENCIJA O NEFORMALNOM OBRAZOVANJU I ZVANIČNA PREZENTACIJA KONTAKT TAČKE ZA ERASMUS+ PROGRAM ZA MLADE ZA BOSNU I HERCEGOVINU

 **Mostar, Bosna i Hercegovina | novembar, 2025.**

Konferencija je okupila preko 50 učesnika uključujući omladinske organizacije i NVO-e, javne institucije i lokalne vlasti, stručnjake iz oblasti obrazovanja i rada s mladima, medije, te nacionalne i međunarodne eksperte. Bila usmjerena na promociju uloge neformalnog obrazovanja u unapređenju zapošljivosti i participacije mladih, uz zvaničnu prezentaciju LDA Mostar kao Nacionalne kontakt tačke za Erasmus+ program za mlade u Bosni i Hercegovini. Događaj je kombinovao stručne diskusije, policy pristup i promociju Erasmus+ programa za mlade i European Solidarity Corps (ESC) mogućnosti, povezujući učenje mladih s evropskom saradnjom.

**50+ UČESNIKA IZ CIJELE BIH  
NEFORMALNO OBRAZOVANJE KAO BAZA ZA POVEĆANJE ZAPOŠLJIVOSTI  
PREDSTAVLJENE MOGUĆNOSTI ERASMUS+ PROGRAMA ZA MLADE**

### KLJUČNE PORUKE

- Neformalno obrazovanje dopunjuje formalno obrazovanje i razvija praktične vještine
- Zapošljivost mladih zahtijeva raznovrsne prilike za učenje
- Saradnja različitih sektora je ključna za razvoj mladih



# ...GLASOVE

## UTICAJ

- Povećana svijest o Erasmus+ Youth programu među organizacijama i institucijama
- Unaprijeđeno razumijevanje neformalnog obrazovanja kao alata politike i prakse
- Ojačana vidljivost i kredibilitet LDA Mostar kao nacionalnog Contact Point-a
- Povećan interes i broj upita od strane omladinskih organizacija
- Postavljeni temelji za buduće info sesije, obuke i partnerstva u 2026. godini



*„LDA Mostar kontinuirano pruža prilike mladima da razvijaju vještine i grade bolju budućnost kroz neformalno obrazovanje.*

*Učešće u ovim programima mi je omogućilo da povežem iskustva, upoznam ljude i razvijem vještine koje su oblikovale moj lični i profesionalni razvoj.”*

**TARIK KRESO, učesnik Erasmus+ programa za mlade**




# THE TUNE NETWORK – TRANSNATIONAL UNITED NETWORK IN EUROPE



Co-funded by  
the European Union

Erasmus+

Enriching lives, opening minds.



**Trajanje projekta:** januar 2025. – decembar, 2025.

**Donator:** Evropska unija / EACEA - ERASMUS+ program

**Aplikant:** United Societies od Balkans (USB) (Grčka)

**Partneri:** Agencija lokalne demokratije Mostar i 20 partnerskih organizacija iz 18 različitih zemalja Evrope

## O PROJEKTU

Projekat je osmišljen s ciljem jačanja učešća mladih, građanskog angažmana te mentalnog zdravlja i dobrobiti kroz inkluzivna, sigurna i podržavajuća okruženja, uz istovremeno unapređenje kapaciteta omladinskih organizacija i omladinskih radnika širom Evrope. Projekat je transnacionalnog karaktera, implementira se u 18 evropskih zemalja na lokalnom, nacionalnom i evropskom nivou.

## Ciljne grupe:

Mladi (16–30 godina), posebno oni s manje mogućnosti; omladinski radnici i edukatori; omladinske organizacije i organizacije civilnog društva; lokalni i regionalni akteri.

## Očekivani rezultati:

Unaprijeđeno blagostanje i rezilijentnost mladih, ojačani kapaciteti organizacija, povećano učešće mladih u demokratskim procesima, te unaprijeđena saradnja među omladinskim organizacijama u Evropi.



# THE TUNE NETWORK – TRANSNATIONAL UNITED NETWORK IN EUROPE



Co-funded by  
the European Union

Erasmus+  
Enriching lives, opening minds.



U 2025. godini projekat je bio obilježen intenzivnom implementacijom aktivnosti usmjerenih na jačanje kapaciteta mladih i omladinskih radnika, te razvoj međunarodne saradnje.

## ŠTA JE OBILJEŽILO 2025. GODINU?

- Provedene obuke za omladinske radnike i mlade radi jačanja njihovog učešća u demokratskim procesima i društvenom životu
- Organizirane tematske radionice i transnacionalni sastanci koji su omogućili razmjenu znanja, vršnjačko učenje i saradnju na evropskom nivou
- Implementirane inicijative mladih i lokalne akcije usmjerene na razvoj zajednice i građanski angažman
- Realizirane kampanje podizanja svijesti i zagovaranja, uključujući teme mentalnog zdravlja i dobrobiti
- Razvijeni alati, smjernice i metodološki resursi za unapređenje kvaliteta i inkluzivnosti omladinskog rada
- Održani događaji za umrežavanje i razmjenu znanja, uz jačanje partnerskih odnosa i vidljivosti na evropskom nivou



## FOKUS DJELOVANJA

- Jačanje kapaciteta omladinskih radnika za inkluziju, dobrobit i aktivno građanstvo
- Podizanje svijesti mladih o mentalnom zdravlju i učešću u društvenim procesima
- Razvoj prekogranične saradnje i održivih partnerstava
- Veće uključivanje mladih s manje mogućnosti
- Unapređenje inkluzivnih i sigurnih praksi u organizacijama
- Jačanje vidljivosti i komunikacije LDA Mostar s relevantnim akterima

# VIZIJA KROZ...



## TUNE MEĐUNARODNI TRENING: OD IDEJA DO AKCIJE



**Kruševo, Sjeverna Makedonija | septembar, 2025.**

Međunarodna obuka okupila je mlade i omladinske radnike iz više evropskih zemalja, u okviru TUNE mreže, s ciljem jačanja učešća mladih, demokratskog dijaloga i razumijevanja e-demokratije kroz neformalno obrazovanje i transnacionalnu razmjenu.

Kroz radionice, diskusije i interkulturalne aktivnosti, učesnici su razmjenjivali iskustva, primjere dobre prakse i jačali saradnju na evropskom nivou. Predstavnik LDA Mostar učestvovao je kao dio TUNE mreže.

**25 UČESNIKA IZ CIJELE EUROPE**

**TUNE MREŽA RAZVIJA EVROPSKU DIMENZIJU SARADNJE ZA RAD S MLADIMA  
POVEZIVANJE EVROPSKOG I LOKALNOG NIVOVA KROZ DIJALOG I UČENJE**

### **KLJUČNE PORUKE**

Međunarodne obuke i transnacionalna razmjena predstavljaju važan alat za jačanje kapaciteta mladih i omladinskih radnika, unapređenje razumijevanja demokratskih procesa i e-demokratije, te razvoj dugoročnih partnerstava i aktivnog učešća mladih na evropskom nivou.



# ...GLASOVE



## LOKALNA DEBATA: DA LI TREBA ZABRANITI MOBILNE TELEFONE U ŠKOLAMA?



**Mostar, Bosna i Hercegovina | oktobar 2025.**

LDA Mostar je organizirala lokalnu debatu u okviru aktivnosti TUNE mreže, s ciljem podsticanja učešća mladih, kritičkog razmišljanja i demokratskog dijaloga o temama koje se tiču obrazovanja.

Tokom strukturirane debate, mladi su kroz istraživanje i argumentovanu diskusiju analizirali uticaj mobilnih telefona na učenje, koncentraciju i komunikaciju, te razmatrali uravnotežena i odgovorna rješenja u obrazovnom sistemu.

**15+ UČESNIKA UZRASTA OD 16–18 GODINA  
RAZVIJENE VJEŠTINE KRITIČKOG MIŠLJENJA, ARGUMENTACIJE I JAVNOG NASTUPA  
PODSTAKNUT DIJALOG MLADIH I RAZUMIJEVANJE UTICAJA OBRAZOVNIH POLITIKA NA UČENIKE**

### KLJUČNE PORUKE

Lokalne debate doprinose razvoju kritičkog mišljenja, komunikacijskih vještina i demokratske kulture kod mladih, istovremeno ih osnažujući da aktivno učestvuju u raspravama o pitanjima koja direktno utiču na njihov obrazovni i društveni život.



# BOSNA I HERCEGOVINA PREDSEDAVA DUNAVSKIM PROGRAMOM



**foster**europa  
Foundation for strong  
European Regions

**Trajanje projekta:** januar - decembar, 2025.

**Donator:** Foster Europe Foundation for strong European Regions (Austrija)

**Aplikant:** Agencija lokalne demokratije Mostar (Bosna i Hercegovina)

## O PROJEKTU

LDA Mostar je imala čast bila partner u organizaciji ključnih događaja vezanih za predsjedavanje Bosne i Hercegovine Dunavskim programom tokom 2025. godine. Nacionalni dan učešća i Dan učešća na Dunavu predstavljaju dva značajna događaja u okviru DUNAV programa, u kontekstu provedbe Strategije za dunavsku regiju.

Preuzimanjem zvona, kao simbola nadležnosti nad provedbom Programa, tokom 11. Dana učešća na Dunavu (DPD), održanog u Beču (Austrija) 19. juna 2024. godine, LDA Mostar je zvanično najavila predsjedavanje Bosne i Hercegovine DUNAV programom.

U okviru procesa predsjedavanja Bosne i Hercegovine Dunavskim programom, LDA Mostar je imala ključnu ulogu u jačanju participativnog upravljanja i povezivanju lokalnih aktera s evropskim procesima. Kroz organizaciju i suorganizaciju značajnih događaja, organizacija je doprinijela otvaranju prostora za dijalog između civilnog društva, institucija i međunarodnih partnera, s ciljem unapređenja učešća građana u kreiranju javnih politika. Fokus djelovanja bio je na osnaživanju lokalnih zajednica, razmjeni znanja i promociji održivog i inkluzivnog razvoja u kontekstu evropskih integracija. U nastavku su opisani ciljevi provedene aktivnosti dva događaja u okviru projekta [Foster Europe Foundation for strong European Regions](#).



# BOSNA I HERCEGOVINA PREDSEDAVA DUNAVSKIM PROGRAMOM

## Nacionalni dan učešća (NPD)

Nacionalni dan učešća održan je 13. maja 2025. godine u Sarajevu, u organizaciji Direkcije za evropske integracije (DEI) i LDA Mostar, uz učešće oko 55 predstavnika institucija, civilnog društva, međunarodnih organizacija i aktera uključenih u Strategiju EU za dunavsku regiju (EUSDR).

Fokus događaja bio je na procesu proširenja EU i ulozi EUSDR-a u podršci evropskim integracijama Bosne i Hercegovine, s naglaskom na osnaživanje lokalnih aktera. Program je obuhvatio plenarne sesije i tematske radionice o zaštiti okoliša, kulturnoj baštini i modelima lokalnog učešća.



Kroz diskusije su identificirani ključni izazovi, uključujući **nedovoljnu saradnju između institucija i civilnog društva, nizak nivo građanskog učešća i ograničene kapacitete za provedbu inicijativa**. Kao rezultat, definisane su preporuke za **unapređenje saradnje, jačanje javne svijesti, razvoj integriranih strategija i promoviranje participativnog upravljanja**.

Događaj je doprinio jačanju kapaciteta učesnika, uspostavljanju novih partnerstava i podizanju svijesti o ulozi lokalnih aktera u procesu EU integracija, uz dodatno pozicioniranje LDA Mostar kao fasilitatora dijaloga i razvoja demokratskih praksi.

# BOSNA I HERCEGOVINA PREDSEDAVA DUNAVSKIM PROGRAMOM

## 12. Dan učešća na Dunavu

12. Dan učešća na Dunavu održan je 4. novembra 2025. godine u Sarajevu, uz učešće oko 130 predstavnika civilnog društva, institucija i lokalnih zajednica. Događaj su organizovali Prioritetna oblast 10 EUSDR-a i Forum civilnog društva Dunavske regije, u saradnji s LDA Mostar i uz podršku Direkcije za evropske integracije.



Tema događaja bila je „Lokalni glasovi, evropska budućnost“, s fokusom na ulogu zajednica u EU politikama i procesu proširenja. Program je obuhvatio panel diskusije, interaktivne radionice i predstavljanje lokalnih inicijativa i dobrih praksi. Kroz razmjenu iskustava, učesnici su analizirali regionalne izazove i mogućnosti, s naglaskom na jačanje uloge građana i civilnog društva u donošenju odluka. Događaj je doprinio umrežavanju aktera i rezultirao **preporukama za unapređenje participativnog upravljanja i podršku održivim lokalnim inicijativama.**

*„Organizacije civilnog društva trebaju osigurati finansijsku održivost kroz diverzifikaciju izvora prihoda, jačanje kapaciteta, partnerstva i transparentnost, kako bi bile relevantan i pouzdan partner u razvoju Dunavske regije i kreiranju evropskih politika“ - Dženana Dedić, direktorica LDA Mostar*

# U FOKUSU: RESURSNI CENTAR LDA MOSTAR

Kao resursni centar, LDA Mostar, bila je tokom 2025. godine mjesto susreta, dijaloga i edukativne međunarodne razmjene, u čijemo smo HUB-u ugostili preko 150 studenata, akademskog osoblja i stručnjaka iz različitih dijelova svijeta. Među njima su bile grupe s univerziteta iz SAD-a i Evrope, kao i učesnici međunarodnih obrazovnih i fellowship programa uključujući grupe s Utah State University, Clemson University, Doha Institute for Graduate Studies, kao i učesnike programa Humanity in Action BiH i predstavnike organizacija iz Njemačke.



Kroz interaktivne prezentacije i otvorene diskusije predstavili smo rad LDA Mostar na jačanju demokratske kulture, aktivnog građanstva, društvene inkluzije i izgradnje mira u postkonfliktnom društvu. Poseban fokus bio je na ulozi mladih kao pokretača pozitivnih promjena, kao i na konkretnim inicijativama koje doprinose razvoju lokalnih zajednica.

# U FOKUSU: RESURSNI CENTAR LDA MOSTAR

Ove posjete pružile su vrijedan prostor za razmjenu perspektiva o savremenim društvenim izazovima, uključujući naslijeđe rata, procese pomirenja i ulogu civilnog društva u izgradnji održivog mira. Kroz dijalog s gostima dodatno smo obogatili vlastite prakse, ali i doprinijeli obrazovanju novih generacija stručnjaka u oblastima društvenog razvoja i mirovnog djelovanja.

Izuzetno pozitivne povratne informacije potvrđuju kvalitet i značaj našeg rada, dok najave ponovnih posjeta dodatno osnažuju našu poziciju kao relevantnog resursnog centra i mjesta međunarodne saradnje, učenja i razmjene.



# U FOKUSU: RESURSNI CENTAR LDA MOSTAR

Povodom obilježavanja Dana Evrope, LDA Mostar je u svom HUB-u, u saradnji sa Centrom za promociju civilnog društva (CPCD), ugodila predstavnike organizacija civilnog društva iz Mostara kroz događaj „Kafa/kava s OCD-ima“. Susret je organiziran kao prostor za umrežavanje, razmjenu iskustava i razgovor o ulozi civilnog društva u procesu evropskih integracija Bosne i Hercegovine.

Kroz otvoren dijalog istaknuta je važnost snažnog, povezanog i nezavisnog civilnog sektora kao jednog od ključnih nosilaca demokratskih vrijednosti, transparentnosti, jednakosti i vladavine prava. Učesnici su razmijenili iskustva o izazovima sa kojima se organizacije suočavaju u svakodnevnom radu, ali i o mogućnostima zajedničkog djelovanja i međusobne podrške u lokalnoj zajednici.



Ovakvi susreti dodatno potvrđuju ulogu LDA Mostar kao prostora saradnje, dijaloga i jačanja kapaciteta organizacija civilnog društva. Kroz kontinuirano otvaranje prostora za povezivanje različitih aktera, LDA Mostar nastavlja doprinositi razvoju aktivnog građanstva i jačanju civilnog društva kao važnog partnera u izgradnji demokratske i evropske Bosne i Hercegovine.

# U FOKUSU: RESURSNI CENTAR LDA MOSTAR

Nastavljajući djelovati kao prostor dijaloga i susreta relevantnih društvenih aktera, LDA Mostar je tokom 2025. godine ugostila i visoku delegaciju izvjestitelja o stanju demokratije u Bosni i Hercegovini, koju su činili ambasadori Irske, Austrije, Belgije, Hrvatske, Norveške i Bosne i Hercegovine pri Vijeću Evrope, predstavnik Komiteta ministara, direktor za koordinaciju programa te šefica Ureda Vijeća Evrope u Sarajevu.



Posjeta je realizovana u okviru priprema za novi Akcioni plan za Bosnu i Hercegovinu, s ciljem sagledavanja stanja demokratizacijskih procesa i razgovora sa predstavnicima institucija, vlasti i civilnog društva o ključnim izazovima i prioritetima budućeg djelovanja.

Tokom sastanka poseban fokus stavljen je na mehanizme učešća građana u donošenju odluka, naročito na model Skupština građana kao inovativnog deliberativnog demokratskog alata čiju implementaciju u Bosni i Hercegovini LDA Mostar kontinuirano podržava od samog početka. Direktorica Dženana Dedić predstavila je aktivnosti organizacije usmjerene na jačanje aktivnog građanstva, participativnog odlučivanja i razvoja otvorenih i inkluzivnih lokalnih zajednica.

# U FOKUSU: RESURSNI CENTAR LDA MOSTAR


Posebnu vrijednost susretu dali su učesnici druge Skupštine građana održane u Mostaru, koji su kroz vlastita iskustva govorili o značaju deliberativnih procesa za izgradnju povjerenja, međusobnog razumijevanja i postizanja konsenzusa o pitanjima važnim za lokalnu zajednicu.

Tokom razgovora naglašena je važnost dosljedne implementacije preporuka Skupština građana, kao i ključna uloga organizacija civilnog društva u procesima demokratizacije, jačanja građanskog učešća i razvoja saradnje između građana i institucija.

Posjeta ove delegacije dodatno je potvrdila prepoznatljivost LDA Mostar kao relevantnog i pouzdanog partnera u oblasti deliberativne demokratije i razvoja participativnih modela odlučivanja u Bosni i Hercegovini.



# FINANSIJSKI PREGLED





## KONTAKT



+387 (0)36 333-830 +387 (0)36 333-831



[ldamostar@aldaintranet.org](mailto:ldamostar@aldaintranet.org)



Fra Ambre Miletića 30,  
88000 Mostar, BiH



[www.ldamostar.org](http://www.ldamostar.org)

